

اجتماعیات مجموعہ سی

ص ۳ : ۳

۱۳۳۳ حریران

۱ : ۱

فجورك نهی و منشأری

مهری : ارمیل دورقلم

(مابعد)

— ۴ —

اغزو غامی . صوك بر نظریه اوله رق ، انسانلرك ؛ قانداشلا آراسنده ازدواجه قارشى
حس ابتدكلى انسیاقى بر نفرت ایله ایضاح اولونیور . اکثریا تکرار ایدیلورکه قان
قاندن نفرت ایدر . فقط بوبله بر ایضاح ، ایضاحی رد دیمکدر . بر اعتقادی ویا بر
عادتى آکلا تمق ایچون بر سوق طبیعی به مراجعت ایتک و مراجعت ایدیلن سوق طبیعی نی
ایضاح ایتمه مک مسئله نی حل دکل ساده جه وضع ایدر . بوء انسانلر فجور قرابتی منع ایدیور
چونکه شایان منع کورولیور ، دیمکه برابرر . تاریخ داخنده او قدر مختلف وحتى ضد
صورتلر آلتنده کورلمش بو ممنوعیت نصل اولورده عمومیت اوزره فطرت بشری تشکیل
ایدن احوال دن برینه ربط اولونه بیلیر ؟ بوراده آنا جهشتدن اقربالر آراسنده ازدواجک ،
شوراده ده ازیاده قانداشلا بیتنده کی رابطه لرك نیچون منع ایدیلدیکنی ، جمعیتده بو ممنوعیتک
الی نهایت انتشار ایتدیکنی حالبوکه بر دیگرنده یالکز غایت یاقین اقربالره انحصار ایتدیکنی
عینی سبب ایضاح ایدر . ابتدائی عبرانیلرده ، قدیم هر بلرده ، فنیکیلرده ، یونانیلرده ،
بعض اسلاو اقوامده بو نفرت نیچون بر آدمی بابادن اولان قیز قارداشیلر ازدواجدن منع
ایدر میوردی ؟ حتی بر چوق احوالده بو سوق ضییعی بوسبوتون اورتادن قالقار .
مدیالیلرده ، ایرانیلرده بابا ایله قیزلر آراسنده ، ارکک و قیز قارداشلر آراسنده ازدواج
یک صیق واقع اولوردی ؟ قرون قدیمه نک بوتون مورخلری ، هرودوت ، استرابون ،
کنته ر کورسه ، بو ایکی قومده فجورک عمومی بر عادت اولدیغنی سویله مکده متفقدرلر .
مصرده اهالیدن آدملر بیله اکثریا همشیره لریله ازدواج ایدرلردی ؛ ایرانده ده فجور عمومی
بر قاعده حالده ایدی . عینی عاده قامبوجک یوکسک صنوف اهالیسنده تصادف

ایدیلور ؛ یونان محررلری بو عادتلی همان همان عمومیت اوزره بوتون وحشی قوملره اسناد ایدیورلر . نهایت ، یالکز اغزوغامی ایله مشغول اولق اوزره شونی ده سویلیهلم : توتهمیرم کی فوق العاده اجتماعی بر حادثیه تابع اولان بر حس (اغزوغامی) نعل اولورده فردک فطری ، ارثی بر قابلیته ربط اولونه بیلیر ؛ سوق طبیعی نك کوکری عضویتده در ؛ نعل اولورده هر هانکی عضوی بر خصوصیت ، عینی توتهمه مالک ایکی کیشی آره سنده تناسلی مناسبلر خصوصنده بر نفرت حصوله کتیره بیلیر ؟

مادام که توتهم بر آهدر ، توتهمیرم ده بر دیندر ، اغزوغامی نك سییلرینی ابتدائی جمعیتلرک دینی اعتقادلرنده آرامق ده طوغری اولمازمی ؟ فی الحقیقه کوستره جکرکه ، اغزوغامی بوتون ابتدائی دینلرک ، حتی بر جهندن بوتون دینلرک اساسنده بولتان ده عمومی بر دین مؤسسه نك خصوصی بر حالتدن عبارتدر . بو دینی مؤسسه ده مرام (tabou) در .

حرام Tabou [۱] دییه عبادته متعلق بر طاقم ممنوعیتلرک هیئت عمومی سنه دنیلیرکه بونلر فوق الطبیعه بر مبدئی حائر ظن اولتان بر شی ویا بر اشیا مقوله سی ایله عینی صفتی حائر اولیان ویاعینی درجه ده حائر اولمان دیکر اشیا آراسنده هر درلو تماسی منع ایدرکه سحری بر سرایتک تهلکلی نتیجه لرینک اوکنی آلیر . بو فوق الطبیعه مبدئی حائر اولان اشیا ، بونی حائر اولیان ایکنجی نوع اشیا به نسبتله محرم Taboué در . مثلاً اهالیدن بر کیمسه نك کرک بر راهبه ، کرک بر قبیله رئیسنه ، کرک بر آیین آلتنه دوقونماسی شدته ممنوعدر . چونکه بو ممتاز صنفده بر آله ، بشریتک قوتلرندن اوقدر یوکسک بر قوت مسکوندرکه عادی بر کیمسه اوکا تماس ایدرسه اوندن مدهش بر صدمه آلیر ؛ وبویله بر قدرت کنندی قدرتلرندن او قدر فضله درکه ، تماس واقع اولونجه کنندی قوتلری محقق قیریلیر . دیکر طرفدن تماس واقع اولونجه بر قدرتک کنندیسنده کجه مسمی قابل دکدر ؛ زیرا ابتدائی اعتقادلره کوره بر موجودک صفاتی ، بویوک بر شدتی حائر اولونجه سرایت واسطه سیله انتشار ایدر .

(۱) تابو کله سی پولینزیآ لسانندن آلمشدر ؛ فقط افاده ابتدیی مفهوم بر یوزنده عمومی در . بوراده (حرام) کله سیله ترجمه سی مناسب کوردک . حرام بوراده صرف (تابو) کله سناک افاده ابتدیی معناده آلتلی در .

بو تلقى بزه نه قدر شايدان حيرت كورولورسه كورولسون ، وحشى نظرنامه ماهيت اشيا سرايت طريقيه الى نهايه انتشار وتوسعه مستعددر . هر كچديكمز يره كندمزدن بر شى براقيورز ؛ آياغمزى باصديغمز يره ، المزي قويدیغمز يره جوهرمزدن بر شى آلبه ، حفظ ايدره وبو ، آزالمزدن انتشار ايدره . آلهي جوهرده ديكرلري كچي در ؛ كنديسنه تقرب ايدن هر شينه سرايت ايدره ؛ حتى او صرف بشرى اوصافك قابليت سرايتدن دها فضله بر سرايت قوتى حائر در ، چونكه اونك دها بويوك بر قدرت فعلى وارد در . يالكز ، بو كچي قدرتلري احتوا ايدره جك ممتاز ظرفلر لازمدر . ماهيتى اعتباريله بوياله علوى بر وظيفه حاضره لائمه مش عادى بر شينه چارپارسه حقيقى تخريبات ياپارلر . بك ضعيف بر ظرف مظروفيله خراب اولور . ايشته بونك ايجوندركه عوامدن بر كيمسه محرم بر شينه يعنى الوهيتدن بر ذره يي حائر اشياه دوقونورسه كندى كنديني اولومه ، درلو درلو آغريلره محكوم ايتمش اولوركه بونلري ، الهه دوشدبكي آله ار كيچ تطبيق ايدره . حرامه دوقونمق ممنوعيتى بوندن ايلري كليز ؛ بوممنوعيت بر طاقم جزالره مؤيددر كه مجرمه بعضاً كنديلككندن بر نوع اوتوماتيك مه قانيرما ايله ، الهك بذاته بر عكس العمل ايله بعضاً آده اشيانك جريان طبيعى سنى تنظيم ايتمك واوكا تقدم ايتمك ايستيان جمعيت طرفندن تطبيق اوانور .

بو ممنوعيتلر ايله اغزوغامى قانونى آراسنده كي مناسبلر كورولور . اغزوغامى ده بر تماسك ممنوعيتدن عبارتدر : اغزوغامى نك منع ايتديكي شى عيى قلانه منسوب ارلك و دقايتلر آراسنده جنسى قهربلدر . مقدس (Sacré) لا مقدس (profane) دن ولا مقدس مقدسدن نه قدر شديله چكينيور و تماسدن اجتناب ايدىيورسه ار ككه قادين عيى صورته يكر يكريله تماسدن اجتناب ايدره جكلدر ؛ بو قاعده يه هر نوع رعايتسزلك بر حس نفرت اويانديرر كه بو حس ماهيت اعتباريله بر حرام (Tabou) . تجاوزك ايفاظ ايتديكي نفرتدن فرقى دكلدر . طبق شديد حراملرده اولدينى كچي بو ممنوعيتى تأييد ايدن جزا بعضاً جمعيتك صورى بر مداخله سندن فقط بمضاده كنديلككندن ، حال فعاليتده بولان قوتلرك طبيعى بر نتيجه سيله مجرمك باشنه دوشر . بالخاصه بو صوك حاده اغزوغامى نك اساسنده بولان حسياتك دينى بر ماهيتى حائر اولديغى اثبات ايدره . بناء عليه اغزوغامى ، ارلك ويا قادينلردن برينك حائر بولوندينى دينى بر صفته تابمدر كه بو صفت بريني ديكرينه قارشى شايدان اجتناب بر حاله قويدىغندن آرارنده بر بوشلق حصوله

کتبیر . فی الحقیقہ کورہ جکزرگہ او زمان افکار عامہ قادیئلرہ ، انفراد ایتدیریجی بر قدرت بخش ایدیور و بو واسطہ ایلہ ارکک نفوسی قادیئلردن صرف تناسلی مناسبئلرہ دکل ، یومی حیاتک بوتون تفرعاتندہ اوزاق بولندیوریور .

بو غریب تأثیر بالخاصہ بلوغت ایلک علامتلی ظهور ایتدیکی زمان تجلی ایدیور . بو جمعئلرہ کی عمومی قاعدہ حکمنجہ او ائتلرہ کنج قیز ، سمیہ نک دیگر اعضاسیلہ حتی دیگر لرینہ یارایہ حق اشیا ایلہ مناسبندہ بولونمہ جق بر حالہ صوقولیور . ممکن اولدنی قدر صبق صبقی انفراد ایتدیریلیور . دیگر آدملرک باصدینی طور اراغہ باصہ میور ، وکونشک شعاعلری کندیسنه تماس ایتدیریلیور ، چونکہ طوبراق وکونش واسطہ سیلہ ، کائناتک دیگر قسمیلہ تماسدہ بولونمسی قابل اولور . بو وحشی عادت اک مختلف قطعہ لرده ، آسیادہ ، آفریقاده ، بحر محیط اطہ لرندہ . پک آز فرقلی بر صورتدہ موجوددر . لو آنفوز حبشیلرندہ کنج قیزلر ، حال بلوغت ایلک تظاہراتندہ آری قلبہ لرہ قاپاتیلیر و بدئلرینک جیلاق بر قسمیلہ طور اراغہ دوقونمہ لری منع ایدیلیر . زولو (Zoulou) لرده وجنوبی آفریقا عشیرتلرندہ کنج قیز نارلادہ ویا اورماندہ ایکن ایلک دفعہ اولہ رق بلوغ علامتلی کورولورسہ درحال ایرماغہ قوشار ، قامیشلر آراسنہ ، وھیچ بر کیمسہ طرفدن کورولمہ جک بر صورتدہ صاقلانیر ، وکونشلہ تماسدہ بولونمہ مق ایچون باشنی بر بزله اورتر . کیجہ اولونجہ اوینہ عودت ایدر ، و بر قاچ کون بر قلبہ یہ قاپانیر . یکی زہ لانداده بواش ایچون تخصیص اولونمش بر بنا وارددر . قوسندہ قوری اوتدن بردمت آصیلیدر ؛ بو دمت ، اورایہ کیرمہ نک حرام اولدیغنه علامتدر . طوبراقدن او چ قدم ارتفاعہ قدر بامبو آغاچندن معمول بر تابان یاپارلر ؛ قیزلرایشتہ بونک اوزرندہ ، طوبراقلہ تماس ایتمہ دن یاشارلر . بو محبسلر او قدر صبق بر صورتدہ قاپانمشدرکہ ضیا ایچری کیرمہ مز . تنفس ایدیلہ بیلہ جک بر پارچہ هوا آنجق کیرمہ ییلیر . عینی تشکیلاتہ (بورنہ نو) دہ (اوت - دانوم) لرده تصادف ایدیلیر . آناسی باباسی بیلہ بوزواللی محبوسلرلہ قونوشمہ مز ؛ اختیار براسیر قادین بونلرہ خدمت ایدر . بو حبس اکثر یا یدی سنہ دوام ایدر ؛ بوندن دولای حركتمزلک نتیجہ سی اولہ رق قیزلرک انکشافی توقف ایدر و صحتلری متزلزل اولور . (یکی کینہ) دہ ، (سہ رام) دہ ، (وانقوودر) اطہ مندہ کی برلی وحشیلرندہ (تیلینکیسلر) دہ ، (هایدا) لرده الخ الخ موجوددر .

ماکوزی Macusis لرده (انکلز کویانی) کنج فیز اوک اک یوکسک بر نقطه سنده بر صالنجاهه چیقاریلیر . ایلک کونلری صالنجاقدن یالکز کیجه لری اینرو صیق بر برهیزه تابع اولور . بلوغک اغراضی زائل اولغه باشلانجه ، بالخاصه کندیسی ایچون اوک اک قارائلق بر کوشه سنده یاپیلش برداثره یه چکیلیر . صباحلری ممکن کنیدیسی یشیره بیلیر ، فقط آتش وقابلر صرف کندیسه مخصوص اولمیدر . آنجق اون کون صکره سربستی یه مالک اوله بیلیر ؛ اوزمانده قوللانمش اولدینی قاب قاچاق قیریلیر و پارچه لری کمال اهتمام ایله طوپراغه کومولور . بوکی احوالده ایپدن صالنجاق استعمالی بک صیق واقعدر ؛ فی الحقیقه بو صورتله سما ایله طوپراق آراسنده آصیلحق انفراد ایچون اک ایی چاره در ؛ بو اصول ریودولا پلاتا هندیلر نده ، بولیویا وبره زیلیا شیرتلر نده جاریدر . ریودولا پلاتاده قیزلر اولش کی طوپراغه کومولور و یالکز آغزی سربست براقیلیر .

بوعات اوقدر منتشر ایدی و اوقدر دواملی درکه برچوق جمعیتلرک عوام اعتقادلر نده الآن ایزلری کورولور . فرازهر Frazer سیر یاده ، یونانستانده ، تیرو لده برچوق عوام اسطوره لری بولشدرکه هپسی عینی فیکردن ملهمدر . اورالرده کوشه ، کنج قیزلره قارشى خصوصی بر ذوق اسناد اولور ؛ ابویلری بونلری کونشک تعرضندن قورتارمق ایچون قابلی طوتارلر . بلکه اسکى (دانانه) حکایه سی بو خاطره لردن برشیدر . بر قاچ زمان صوکره کنج قیزلری کونشک شعاعلرندن وقایه ایچون انخاذایدیلن تدبیرلره بومعنائک ویرلش اولسی قولایلقله آکلاشیلیر .

فقط قادیئلرک ، ارککلری کندیلرندن اوزا قلاشدیران بوفعل ردی حائر اوله لری یالکز بلوغ زمانه منحصر دکلدرد . عینی حادثه دهآ آز شدتله عینی تظاهراتک هر آی وقوع بولدینی زمانلرده تکرار ایدر . اوزمان هر یرده مناسبات جنسیه شدتله ممنوع اولور . ماووری (Maoris) لرده برارکک بو حالده بر قادیینه دو قونورسه حرام اولور ؛ اگر اونسکه مناسبتده بولنورویا اوقادین طرفندن بشیرلش ییمکلری بیرسه حرام (Tabou) دهآ شدتلی اولور . براووسترالیای ، قاریسنک حیض زماننده یاتاغنه یاندیغنی کورونجه هم اونی اولدیرر ، هم کنیدیسی ده دهشتدن اولور . قادین آیری یاشامغه مجبوردر . کیسه ایله ییمک ییه مز و دو قوندینی ییمکلری کیسه ییه مز . ارککلر ، قادیئلرک یولده بر اقدقلری ایزلر اوزرندن یورویه مزلر ؛ قادیئلرده ارککلرک بولوندینی یرلرده اوطور امازلر .

تصادفی بر تماشہ مانع اولمق ایچون حاللرینی اخبار ایدم جک بر اشارتی حائر اولمیلدرلر .
 بوتیجهینی دها امین بر صورتده الله ایتمک ایچون بر قاج کون قاپانیرلر . بعضاً کویدن
 اوزاقده ، آیری قلبلر ایچنده ، دشمنلرک تعرضه معروض قالیرلر . (زندهاوستا) یہ
 کوره آیری بر یرده سو و آتشدن اوزاقده یاشامیلدرلر ؛ تاکہ اونلرده موجود قدرت
 مدہشہ تغدی بہ یارایان هیچ بر شیئہ چکمه سین . (تیلینکیت) لردہ کونشدن انفراد ایچون
 قادینلر یوزلرینی سیاهه یویارلر . بوعادت قوانین موسائیمده باقیدر . موسوی قادینلر
 یدی کون کیمسه ایله تماسده بولونمازلر ؛ دوقوندقلری اشیایہ باشقه کیمسه دوقوناماز .
 مناسبات جنسیہ کلنجه ، شدتله ممنوعدر . جزا اعدامدی . کولرمزده ، قادینک حیض
 زمانی اطرافه ، ملک تاثیرلر اجرا ابتدیکی حقتده کی باطل هب اوندن ایلری کلیر .

چوجوق دوغورمه زماننده عینی طاتلر جاریدر . اسیکمولرده دوغوران قادین
 بعضاً ایکی آی اوده قابالی قالمیلدر . ایلمک چیقیشنده هیچ کیمه مش اولدینی لباسی
 کیمیلدر . غروشلاندیلرده قادین آجیق هواده یمه ملیدر و قولاندینی قابله کیمسه
 دوقونمه ملیدر . (شیه اوئه) لردہ قادینک یمک پیشیردیکی اوجاغی کیمسه قوللانماز .
 یا کلشقله بر لحوسه نک یمک ییدیکی اوجاق اوستنده پیشمش بر یمک بیان کنجلر
 حس ابتدکلری آغریلردن متالم اوله رق تارلارده دولاشیرلر . بر جوق عشیرتلرده
 لحوسه لر اوزاق قلبلره کیدرلر و برایکی قادین اونلره خدمت ایدر . (دامارا) لردہ
 ارکک زوجہ سنی بیله کوره مز . (له و بیک) . کوره قادینک انفرادی ، دوغوردینی
 چوجو غک ارکک و یا قیز اولدیغه کوره قرق و یا سکسان کون دوام ایدر . ایلمک یدی
 کون ظرفنده انفراد ، حیض زماننده کی قدر قطعی اولور .

بو قدر درجه شدت قازانان ، او قدر احوال و حادثاتک ایفاظ ابتدیکی و هر آی هیچ
 اولمازسه بر هفته دوام ایدن دینی بر حس دهشت ، طبعییدر که تاثیرینی ایلمک ظهور ابتدیکی
 دورہ لر خارجه توسیع ایدرک بوتون حیاتہ اجرای تاثیر ایدر . احواله کوره هفته لرجه ،
 آیلرجه حتی بعضاً سنہ لرجه اوزاق طوطولان بر مخلوق نہایت بو خصوصی دورہ لر خارچنده
 کندی صفتدن بر قسمی حائر در . فی الحقیقه بو جمعیتلرده ارکک و قادینلرک آیرلمسی
 زمان زمان دکل دائمی بر شکل آلمشدر . اہالینک ہر ایکی قسمی بر بردن آیری یاشار .
 ارککلرله قادینلرک بر سفرمده ونده یکدیگری حضورندہ یمک یمہ ملری عمومی
 بر عادت حکمنددر .

ارکک ویا قادین یمکنی آیری بر محله بیر. بر قادینک اوده ارکککک یمکنه مخصوص بر محله کیرمی بعضاً اولوم جزاسیله تجزیه اولنور. حتی قادینلرک غداسیله ارککککک غداسی آیری آیری شیلردر. مثلاً (کورنه) لرده ارکککک ارکک حیوانلری، قادینلر ایسه دیشی حیوانلری ییه بیلیرلر؛ بونلرک مشغولیتلری ده آیری در؛ ارکککک مخصوص اولان وظائف قادینلر و قادینلرکی ارکککک ممنوعدر. مثلاً (نیقاراغوا) نک بعض عشرت لرنده چارشیه عائد ایشلر قادینلر مخصوصدر؛ برارکک چارشیه کیرسه دایاق بیر. دیگر طرفدن قادینلر ده اینککک، قایقکله الح. دو قونا ماز. عینی صورتله نوعاً محاذی ایکی نوع حیات دینه موجوددر. (آله اوتیه ن) لرده قادینلر مخصوص بر کیجه رقصی واردر که ارکککک بوندن مطر و ددر؛ ارکککک مخصوص رقصه قادینلر بولنه ماز. (هروه) آطه لرنده ارکککک و قادینلر هیچ بر زمان رقصه برلکده بولونه ماز. حیات دینه نک بوا یکی جهتنی دها ای اثبات ایدن برشی ده، اولجه موجودیتدن بحث ایتمش اولدیغمز ایکی توتهم در. زیرا توتهم جدا اولقله برابر عینی زمانه زمزمه نک محافظ الیه در. ابتدائی دینک مرکزی در؛ ارککک و قادینلرک آیری توتهملری واردر دیمک بونلردن هر برینک آیری دینی اولدیغنی سویله مکدر. دیگر جهتلردن عینی حاده اوزمانلر ارکککک قادین آراسنده کی آیرلغک نه قدر درین اولدیغنی کوستر. فی الحقیقه معلومدر که برسمیه (قلان) کندی توتهمیله تشخیص اولنور. هر فرد کندینی، حرمت ابتدکی توتهم مخلوقیه عینی جوهرده فرض ایدر. بناء علیه جنسی توتهملر موجود اولان یرده ارککک و قادین کندیلرینی آیری جوهردن و آیری ایکی منشأدن فرض ایدرلر. حتی اولدجه عمومی برعینه در که بوا یکی توتهم اکثریا یکدیگرینک رقیبی و دشمنی در. بو دشمنق، اهلینک ارککک و قادین قسملری آراسنده کی نفرت و تضادک برتمالی دکلیدر؟

ارککککککله قادینلرک بر بوندن اجتناب ایتسی یالکز رسمی و آیینی زمانلر منحصراً دکدر؛ حیات روزمره نک اک عادی زمانلرنده بیله ارکککک قادین آراسنده اک اوافق برتماسک شدله ممنوع اولدیغنی ده واقعدر. (صامویه د) لرده، (اوستیاق) لرده، ارکککک قادینلرک قوللانمش اولدیغنی برشیته دو قونمه میدرلر. بیلیمیه رک بوممنوعیت خلافتده حرکت ایدنلر توتسو ایله تمیزلنمیدرلر. باشقه یرلرده، بر قادین قلبه سنه کیرمک ارککک صفت ممتازه سی غائب ایدر. بعض عشرت لره ارککک جو جو قفلر قیزلرله اوینایه ماز. قالیه ورنیا، مه لانتزیا، یکی قاله دونیا، قورده ارککک و قیز قارده شلر بلوغ یاشندن اعتباراً بر بریله قونوشه مازلر.

(تونغا) ده برعشیرت رئیس بویوک همشیره سہ حرمت ابراز ایدر وچادیرینه هیچ برزمان کیرمز. (سہیلان) ده (تودا) لردہ بر بابا قیزی بلوغندن صوکرہ آرتق کورہ مز. بورما (Burma) ده (لہتا) لردہ ارکک وقیز جوجوقلر بر برلرینہ تصادف ایتدکلری زمان کورہ مک ایچون باشلری چویررلر. (تہ نیمہر) آطہ لرندہ برکنج بر قیزک الہ ویا باشنہ دوقوناما؛ قیزلردہ ارککلرک صاچنہ ال سورہ مز.

قادیئلرلہ ارککلرک حیاتی اوقدر آیریدرکہ ، بعض احوالده ہر برینک آیری برلسانی واردر. (Juaycurus) لردہ قادیئلرک کندیلرینہ مخصوص کلمہ وطرز افادہ لری واردر. ارککلر بونلری استعمال ایدہ مز. (سورینام) ده عینی حال جاریدر. میقرونہ زی آطہ لرندہ ارککلر قادیئلرلہ قوبوشورکن برچوق کلمہ لک استعمالی حرام tabou در. ژاپونیادہ ارککلرہ وقادیئلرہ مخصوص ایکی نوع الفبا واردر. (قارائیت) لردہ ایکی نوع لغتچہ واردر. ماداغاسقارده ده عینی شیلر موجوددر.

ہوتون بوعادتلرک نتیجہ سی، لازمہ سی اولہرق برچوق عشیرت لردہ ارککلرلہ قادیئلر آیری مسکئلردہ اقامت ایدہر. مورتلوق آطہ لرندہ ہر سہمیہ دہ بویوک بر او واردرکہ کیچہ لری رئیس ارککلرلہ برابر اورادہ یاتار. بو اوک اطرافندہ کوچوک قبلہر واردر، قادیئلر وکیچ قیزلر اورادہ بولنور. قادیئلر زوجلیلہ برابر بولنورلر؛ فقط بو ارککلر امینی بر قلمہ منسوب لرلر. برقلانہ منسوب ارکک وقادیئلر صینی بر صورتدہ آیریدر. عینی تشکیلاتہ ویتی، پالاواس، آمیرو تہ آطہ لرندہ ، قالیفورنیا ریلرینک بعضیلرندہ، سالومون، مارکیز، إلخ آطہ لرندہ تصادف ایدیلیر. بو آطہ لرندہ ارککلرہ مخصوص اولان محلہ کیرن قادیئلر اعدامہ محکومدر.

بوحادثہ لر اغزو غامی مسئلہ سنک شکلی دہ کیشدیرییور. فی الحقیقہ بدیہی درکہ جنسی ممنوعیتلر ماہیت اعتباریلہ ، یوقاریدہ تفصیل ایتدیکمز آیینی ممنوعیتلردن فرقلی دکلدر وعینی صورتلہ ایضاح اولونمایدر. برنجیلر ایکنجیلرک برنوعندن باشقہ برشی دکلدر. عینی قلاتہ منسوب ارککلہ قادیئلی زوجیت مناسبتلرندن منع ایدن سبب، بونلر آراستندہ ہر نوع مناسباتی اصغری بہ ایندیرن سبیدن باشقہ برشی دکلدر. بناء علیہ بوسببی ازدواجی مناسبتلرک

فلان ویا فلان اوصافنده بولامایز . عمومیت اوزره قادین عضویتنه عطف اولنان مرئی صفت بو متقابل انفراد سببیت ویرمش اوله بیلیر .

محقق اولان برواقعه واردر : بوتون بوممنوعیتلر مجموعه سی، وحشی نك حیض زمانه و حیض قانه عائد ایدیندیکی فکرلره صیقی بر صورتده مربوطدر . زیرا بوتون بو حراملر یالکیز بلوغ دورنده باشلیور وایلك قان تظاهراتی باشلادینی زمان شدت ممنوعیت حد اعظمیسی بولیور . حتی بیلیورزکه بعضی عشریتلرده حیض دوردینی زمان بوممنوعیتده اورتادن قالدقار . وضع حمل زماننده کسب قوت ایتیمی بوا دعامزی جرح ایتمز ؛ زیرا چوجوق دوغورمقده قان آقندن اولماز . (له ویتیک) ک بوموضوعه عائد متلری بیله ، امر اولسان انفرادک سببی بو مایعک ماهیتده اولدینی تصریح ایدیور . عینی صورتله بیلیورزکه بر جوق احوالده بوقان یک آغیر بر صورتده حرام اولمشدر . بوقانی کورن آدمیر قوتلرینی غائب ایدیورلر ویا حربیه غیرقادر اولویورلر . قانه بویه بر قدرت نصل عطف اولونمش ؟

قانک ، پیسلکی حسیله بویه بر تنفره سبب اولدینی حقنده کی فرضیه یی اوزون اوزادییه مناقشه ایتیه جکیز . شهبه سز بر قاچ زمان ظرفنده ، بو عادتله منشأده کی معناسی غائب ایتدکن صوکره بوضورتله ایضاح اولوندی ؛ فقط شهبه سز بو عادتله ساده جه صحی بردوشونجه نتیجه سی شکل ایتده دی . بوقانک اساس اعتباریله مادی اوصافنده مستتبارته لکه اولمادینی شوبله دورسون اووسترالیا و آمریکا حبشیلری بویه بر تماسدن قورقه جق درجه ده نازک دکل ایدیلر . اونلر قادینلرک بولوندینی بره آیاق باصمه ملری ، قادین یاننده یمک ییمه ملری ، ویا عینی چانی آلتنده یاشامه ملری بوقاندن نفرت ایتدکلری ایچون دکلدر . بالخاصه بویه بر سبب بوکی ممنوعیتلره اطاعت ایتیانلر حقنده اوقدر آغیر جزالرویرلمسینی استلزام ایتمز . بر آدم ، پیس بر ماده ایله تماس ایدرک خسته لغه معروض قالدی دییه اعدام ایدلر .

فقط بوايضاحی تماماً رد ایدرک برشی، هر درلو قانک عینی حسیاتی ایفاظ ایتمی در . هر قان قورقو ویرمش و هر درلو قانه تماسی منع ایچون بر جوق حراملر احداث اولونمشدر . بر طاقم استونیالیر قانه دو قونامزلر و سبب اوله رقده بوقانده فوق الطبیعه بر قدرت ، ذی حیاتک روحی بولوندینی واکر قانه یا قلا شیرلر سه بر جوق اختلالاته سببیت ویرم جکینی

ایلری سوررلر. عینی سبیدن طولانی ده یرم بردامله قان دوشرسه، اوندکی بواسرارانکیز قوت دوقوندینی طوبراغی بولاشدیرر واوراسنی محرم بریر حالته قویار؛ آرتق اورایه کیمسه یاماشه ماز. بوندن دولایی بر اووسترالیایی نه زمان انسان قانی دوکرسه طوبراغه بولاشدیر مامق ایچون بیک درلوتدیرلر اتخاذا ایدم. علی العاده انسانله عاند خصوصاتده بوعادت اورتادن قالدینی حالده برقرال ویا برقلان رئیسک قانی ایچون آلآن باقیدر. قرال قانی نک طوبراغه دوشمه مسی برقاعده عمومی حکمنده در. بعض قوملر حیوانلر ایچون بیله عینی تدبیرلره مراجعت ایدرلر. قان آقسه سین دیبه حیوان بوغولور ویا باشنه اورولور.

فقط بالحاصله ممنوع اولان، قانی غذا اوله رق قوللانمقدرد. چونکه بو حالده قانله تماس دها صمیمی ودها قطعی در؛ بونک ایچون ده دها شدتله ممنوع در.

شمالی آمریکا یرلیرندن بعضیلرند حیوانلرک قاتی بیک غایت فنا بر حرکتدر؛ آوک قانی قوروتولمق ایچون آله طوتولور. باشقه یرلرده قان حیوانک دریسک ایچنه طوبلانیر و طوبراغه کومولور. یهودیلرده عینی حرکت مدهش بر جزا ایله تجزیه اولنور؛ متن، سبب اوله رق قانک مبدأ حیاتی نی محتوی اولدیغی سویلور. عینی اعتقاد روما- لیلرده، عربلرده الحاده موجودایدی بعض جمیتلرده شرابک منعی خصوصنده کی قاعده نک قان ایله شراب آواسنده کی خارجی مشابهندن متولد اولسی محتملدر. شراب اوزومک قانی عد ایدلمکده در. اکثریاء قربانلرده شراب قانک یرینه استعمال ایدلمکده در.

نهایت، قلان اعضاسندن برینک قانی دوکولدیکی زمان، حقیقی بر تهلکه عمومی تشکیل ایدم، زیرا بو صورتله قورقونج بر قوت سربست قالمش اولیور واطرافی تهدید ایدیور. بوندن دولایی بو قوتک تحریباتنه مانع اولمق ایچون مختلف اصوللر استعمال ایدلمکده در. «قان قانی دعوت ایدر... اولنک قانی انتقام ایستر...» کی تعبیرلر معنای لغویسنده آلملیدر. چونکه قانک هر دامله سنده کی مبدأ حیات اطرافنده بولنان شلره کندیلکندن مخرب بر تاثیر اجرا ایدم؛ بوندن صاقینمق ایچون یکانه چاره بو تاثیراته تحمل ایدمک، خارجدن کفسارتجی بر قربان آرامقدر. نتیجه اعتباریله قانک انتقامنی آلمق، قانک بالذات تولید ایدمکی شدتلی اولدن اجرا ایتمکدر؛ چونکه قان کندی کندینه ترک ایدیلرسه بو شدتلی اجرا ایدم؛ بونلری اولدن یا بمق بر جریان ویا استقامت ویرمکدر.

شعدی أغزو غامی نك منشأری دها ای سچیلور . قان صورت عمومیه ده حرام Tabou دره و کندیسبله مباسبتده بولتان هریشی حرام قیلار . تماسدن قاجنیر و طهور ایتدیکی یرلرده ، از چوق واسع بر دائره داخلنده اطرافنده بر بوشلق آچار . حالبو که قادین متمادی بر صورتده قانلی تظاهراته بر صحنه تشکیل ایدیور . بناءً علیه قانک ایفاظ ایتدیکی حسبلر قادینه معطوف اولیور ؛ فی الحقیقه حرام Tabou نك نه قدر قولایلقله اقتشار ایتدیکی معلومدر . دیمک اولیور که قادین ده قانک دیکر اعضاسی ایچون قرونیک بر صورتده حرام تشکیل ایدیور . قادینک آرقداشلیله اولان مناسبتلرنده آز چوق مشهور بر اندیشه ، دینی بر قورقو بولنامسی قابل دکلدر ؛ بونک ایچوندر که دیکر آدملرک قادینله اولان مناسباتی حد اصغری به ایندیرلشددر . فقط تناسلی اولان مناسبتلر دیکرلرندن دها فضله بر شدتله بر طرف ایدلشددر . چونکه اول امرده مناسبات جنسیه دها صمیمی در و ارککله قادینک یکدیگرینه قارشى حس ایتدیکی تنافرله دها غیر قابل تألیفدر ؛ بونلری آیران مانعه او قدر صیقی بر صورتده یرلشمه لرینه مساعد دکلدر . سوکره ، دوغریدن دوغری به علاقه دار اولدقلری عضوبدن تام بو اجتناب ایدیلن تظاهراتک مقرینی تشکیل ایتمش بولونیور . بناءً علیه قادینک الهام ایتدیکی تباعد حسى بو خصوصى نقطه ده اک بویوک شدتی اکتساب ایدیور . ایشته بونک ایچوندر که قادین عضویتک بوتون اقسامندن هر درلو مناسباته شدتله قابالی اولان نقطه بالخاصه اوراسی در [*] أغزو غامی و بونی تأیید ایدن آغیر جزالر بوندن ایلری کلیر . بو قانونه رعایت ایتیمان بر کیمسه طبقی جانی وضعیتده قالیر . قان ایله تماسده بولونمشدر و قانک اوصاف مدهشمسی اوکا کچمشدر . اوهم کندیمی ایچون همده باشقلری ایچون برتهلکه تشکیل ایددر . حرامه تجاوز ایتمشدر . فقط قانه اسناد اولتان سحرى اوصاف أغزو غامی یی ایضاح ایتمکه برابر عجباً بوصفتلر قانه نره دن کلیر ؛ ابتدائی جمعیتلری قانه بو قدر ضریب اوصاف اسناد ایتمکه سوق ایدن عامل نه در ؟ - بوسؤالک جوابی ، أغزو غامی نك تابع اولدینی بوتون دینی مجموعه نك استناد ایتدیکی مبدأده یعنی (توتهمیزم) ده موجوددر .

[*] اعضای تناسله عائد غفیک (سترعورت) ک منشأری هجا بونده دکلدر ؛ بواعضای بدنک اورادن چیقاجق تهلکهلی موادک اطرافه انتشاری منع ایتک ایچون ایرکندن اورنولش اولسی محتملدر . تستر اکثریا سحرى برتأثیرک اوکئی آلتی ایچون برواسطه در . بو عادت نأسس ایتدکن سوکره تحول ایدره ک باقی قالشدر . اساساً بز بر فرضیه وضع ایدیورز که بونک تحقیق لازمدر .

اولجہ دیدک کہ ، توتم قلانک جدی در و بوجد برنوع حیوانی ویا نباتی دکلدر ، صورت خصوصیدہ فلان فرد ، معین فلان قورت ، فلان قارغہ الخ . در .

بناءً علیہ قلانک بوتون اعضا لری بویکانه مخلوقدن صادر اولدق لری ایچون ، اونک عینی جوهر دن معمولدر . بوجوهری عینیت ، تخیل ایدم بیلہ جکمز دن دها تام و لغوی بر معنادہ آلتشددر . فی الواقع ، وحشی نظر ندہ بر عضویتدن قوبان پارچہ لر مادی تقریقہ رغماً بنہ اوعضویتک اقسامی تشکیل ایدر لر . موجودیتدن هیچ شبهہ ایدلیان اوزاقدن تأثیر سایہ سندہ ، کیلیمش بر عضوک ، اولجہ منسوب اولدینی بدنک حیاتی یا شادیغنی ظن ایدم لر . برینک باشنه کلن هرشی دیکر ندہ ده حس اولنور . چونکہ جانلی ماده ، اقسام ایتمکله برابر وحدتی بنہ محافظہ ایدم . پارچہ لر دن هر بر ندہ موجوددر ، چونکہ اقسام اوزرینہ اجرای تأثیر ایدیلیر سه طبقی کل اوزرینہ اجرای تأثیر ایدیلیر و رمش کی بر نتیجہ الدہ ایدیلیر . بر آدمک بوتون حیات قوتلری بدنک هر قسمندہ موجوددر چونکہ بواقسامدن برینی الدہ ایدن و تخریب ایدن بویوچی ویا سحر بازک (مثلاً صاچلری ویا طرناق لری) او آدمک اولومنی ده الدہ ایدم بیلہ جکی ظن اولنور ؛ بو ، برنوع بویونک اساسی در . توتم اولان مخلوقہ نسبتله هر فردده بویله در . توتم ، اخلاقی خلق ایچون اقسام ایتشددر . فقط اقسامدن هر بر ندہ تماماً موجوددر و بوتون قسم وتالی قسملردہ ده الی نہایہ عیناً موجود قالیر . بناءً علیہ قلان اعضاسنک کندیلیرنی عینی ات و کیمک فرض ایتملری ، عینی قان عد ایتملری بتمامها دوغریدر . بو ات وقانده منسوب اولدق لری اساطیری مخلوقک آتی در . بوتلقینلر بزه نه قدر غریب کلیر سه کلسین شیئی بر اساسی حائر در لر ؛ زیرا قلانه خاص بروحدتی مادی صورتی تحتندہ افادہ ایدیور لر . قلان او یله متجانس وطوبلو بر کتله در کہ اورادہ فرقلی ، مختلف هیچ بر قسم یوقدر ؛ اورادہ هر فرد عمومک حیاتی یشار ، هر فرد هر کسه بکزره ؛ بویله بر زمرة ، مبهم بر صورتده حس ایتدیکی بوضعیف تفردی تصور ایتمک ایچون اعضاسنک برو عینی مبدئک مندج شخصیتلری عینی شائیتک مختلف جہتلری ، متعدد بدندہ برووح اوله رق تخیل ایدم .

بالخاصہ بر عادت ، اوزمان بومجوه ر لکه عطف ایدیلن اهمیتی بداهت درجه سندہ اثبات ایدم وعینی زمانده بومشترک جوهرک نه اولدیغنی کوستر بر . قلانک فیزیولوژیک وحدتی - اولجہ ده سویله دیکمز وجهله - مطلق دکلدر . قلان ، او یله بر جمعیتدر کہ

بوصورتله توتهم اولان مخلوقدر وقلان ایچنده دوغمشدر ؛ بوهر فردده مندجدر ؛ وقانده متجلی در . اوده بالذات قاندر . فقط بو توتهم جد اولقله برابر ، برآلهدر ؛ ازلدن بری زمره نك محافظی اولان بواله حقیقی بر معبوددر ؛ قلانه خاص اولان دینك مرکزی در . كرك فردلرك و كرك جمعیتك مقدراتی اوکا تابعدر . بناءً علیه هرفردی عضویتده برالله وارددر (زیرا هرفرد تماماً موجوددر ؛ كل ، اجزا سندن هربرنده كل حالده ینه موجوددر) و بو الله قاندهدر ؛ دیمك كه قان الهی برشیدر . قان آق دینی زمان اطرافه یاییلان آلهدر . دیگر طرفدن بیلیورزكه حرام ، الهی اولان هرشیته قونیلان بر علامتدر : بناءً علیه قانك وقانه عائد اولان هرشیته حرام اولسی یعنی عوام ایله مناسبیدن واورقاده دولاشمقدن منع ایدلسی طبیعی در . بوتون توتهم ملی جمعیتلرده قاعده عمومیه دركه ، توتهم اولان مخلوقك جنسنه منسوب حیوان ویا نباتی کیمسه ییه من ؛ حتی بوکا کیمسه دو قوناماز ؛ بعضاً اسمنی بیله ذکر ایتك ممنوعدر . مادام كه قان ایله توتهم آراسنده او قدر صیق مناسبتر وارددر ، قانك ده عینی ممنوعیتلره تابع اولماسنده برفوق العاده لك یوقدر . ایشه بونك بوقانی ییمك ، اوکا دو قونمق ممنوعدر ؛ عینی سیدن دولایی قانلانمش طوبراقده حرام اولور . قانك الهام ایتدیکی دینی حرمت هردرلو تماس فکرنی منع ایدر و مادام كه قادین همان همان عمرینك بر قسمنی قان ایچنده کچیریور ، عینی حس قادینه قدر کچر و کندی ایزنی براقه رق اونیده تخرید ایدر .

فرعی بر سبب ، قادینك بوصفت دینه سنی و بوندن متولد انفرادی دها زیاده تقویه یه یاردیم ایتمشدر . ابتدائی قلانلرده ذریت تسلسلی صرف آنا طرفندن اولوردی . چو جو قنلر آنالرینك توتهمنی توارث ایدر لوردی . زمره نك وحدتی تشکیل ایدن بوقان قادینلر و صرف قادینلر واسطه سیله انتشار ایدیوردی . بو نقطه نظر دن ارکكك وضعیتی ، بالآخره روما حقوقك قادینه ویردیکی وضعیتك همان همان عینی ایدی ؛ ارکكك منسوب اولدینی قلان کزدیسنده توقف ایدر دی . اوحالده مادام كه توتهمك بقاسنه خدمت ایدن یالکزر قادینلردی ، قادینك قانی ، جوهر الهی ایله انسانکککندن دها صیق حائز رابطه کورونیوردی ؛ بناءً علیه بوصورتله دها یوکسك بردینی قیمت اکتساب ایتسی و بوقیمتک بالذات قادینه ده سرایت ایدر ك اونی متادیا آیرمش اولسی محتملدر .

شمی ، تناسلی ممنوعیتلرك صرف عینی قلان اعضاسنه عائد اولسی ایضاح اولونه بیلیر .

فی الواقع توتہم یالکز مؤمنلری ایچون مقدس در؛ یالکز کندیلرینی توتہمدن کلمہ فرض
ایدن و او توتہمک علامتیلرینی حائر اولانلر بو توتہمہ حرمتہ مجبوردرلر . فقط اجنبی
بر توتہمک الہی هیچ بر صفتی یوقدر . طاوشان قلاتنہ منسوب بر آدم طاوشان آتی ییمکدن
اجتناب ایتلیدر حتی بو حیوانک خارجی شکلنہ بکزمہن ہرشدن اوزاق دورملیدر ؛
فقط قومشو قلاتلرک تعبد ایتدکلری حیوانلرہ قارشئ هیچ بر مجبوریتی یوقدر . او حیوانلردہ
هیچ بر الوہیت کورمز ، چونکہ اونلر کندیسنک جدی دکلدر . اونلردن هیچ برشی
امید ایتدیککی کبی ، هیچ بر قورقودہ حس ایتمز . اونلرک دائرہ تأثیری خارجندہ در .
اوحالہ اکر اغزو غامی ، اثبات ایتمک ایستہدیکمز وجہلہ توتہمیزمک اساسندہ بولنان
اعتقادلرہ مربوط ایسہ ، اونلردہ قلاتنہ داخلندہ محدود اولمسی طبیعی در .

شہسز زمان ایلہ بالخاصہ بو ممنوعیتلرک ایلمک اسبابی شعورلر طرفدن آرتق حس
ایدلہ مکہ باشلانیدنی زمان سادہ قلاتنہ داخلندہ کی قادیئلرک الہام ایتدیککی حس قسماً
تعمم ایدلرک بر درجہ قدر ، اجنبی قادیئلرہ قدر انتشار ایتدی . بوتون قادیئلرک
آی باشی تظاہراتی ہبسنندہ محسوس بر صورتندہ بر اولدیغندن ، بر قسمی بودرجہدہ
قورقونج اولونجہ طبیعی دیگر قسم قادیئلر لاقید و ضمیرسز عد ایدیلہ مزیدی . بونک
ایچوندرک قلاتنہ قادیئلرینہ عائد ممنوعیتلرک بر چوغی اجنبی قادیئلرہدہ کجدی و عمومیت
اوزرہ قادیئلر ، قلاتی ہرنہ اولورسہ اولسون بر طاقم حراملرہ موضوع اولدی . بو ابتدائی
شعورلر روحی نقللر ایچون غایت مساعد بر ساحہ اولدیغندن بوتوسع پک قولایلقلہ وقوع
بولدی ؛ ہیجان حادثہلری برشدن دیگرینہ آتی بر صورتندہ انتقال ایدر ، برنجی ایلہ
ایکنجی آراسندہ اک اوراق بر مشابہت حتی بر قومشولق بولونمسی کافی در . فقط بوتمثلہ
اغزو غامی نک اساسندہ بولنان اعتقادلرک تالی بر تشعبی اولدیغندن قسمی قادیئلر . ارکک
ایلہ قادیئلر آراسندہ کی آیریلق یالکز بر قلاتنہ داخلندہ تام بر شکلدہ اولدی ؛ بالخاصہ
مناسبات جنسیہ نک ممنوعیتی یالکز بواحوالہ وقوعہ کلدی .

حیض قانتک محافظ الوہیتلردن زیادہ بدخواہ قدرتلرلہ مناسبتندہ بولونیدنی و ابتدائی
انسانلرک ، قادیئلردن اوزاقلاشمہ سنہ بالذات سبب عد ایتدیککی شی ، قادیئلرک مقدس
بر مخلوق اولمسی دکل ، ملوث برشی اولیدنی ، مقام اعتراضدہ در میان ایدیلہ بیلیر . فقط
انسانلرک ، ایشلہ دکلری اعمالی آکلامق ایچون تخیل ایتدکلرک عامیانہ ایضاحاتی اولیدنی

کې قبولدن امتناع اېتملیدر ؛ بواعمالک حقیقی سیلرینی اونلر کوره میورلر . بونظریه لرك فصل انشا ایدلر ککری معلومدر : بونظریه لرك تام وشئی اولمسی دکل ، عملیات احقاق ایتسی مطلوبدر . حالبوکه بر منظومه حرکته مختلف سیلرله بر معنا ویریله بیلیر . وحشی ، توتنه منه قارشى تعبدی آ کلايه بيلمک ایچون بونی کندی قلانه جد عد ایتدیکی زمان ، هیچ کیمسه بواجدادک حقیقته اینامیور . عینی انسانلر قادینی کنديلرندن آیران انفرادی ایضاح ایچون ، فلان ویا فلان قدرت سحریه ایله تجهیز ایتدیکی زمان ده ینه اینانیله میور . بوخصوصه ایکی درلو ایضاح قبول ایدم بیلیردی :

قادینی یا تهلیکلی بر سحر باز ویا بر راهبه زاد عدايتک لازم کلیوردی . قادینک حیات عمومیه ده کی آشانی مرقعی ایکنجی فرضیه یی قبول ایتمه مزه مانعدر . دیمک اولویورکه ایلك نظریه یی قبول ایتک ضروری کورولدی . بوندن ماعدا بر طاقم قوملر دها واردرکه ، بوممنوعیتلرک سببی کنديلرینه صورولدینی زمان ، بيلمه دککری فقط بونلرک اسکیدن بری رعایت ایدیلن بر غننه اولدینی جواخی ویریورلر . اساساً توتنه دیتنه عائد هرشی ، زمان تأثیرله بویله بر نسیانه اوغرایور . فلان ویا فلان حیوانک اتی یمک نهدن ممنوع اولدینی آرتق اونودلدینی زمان بو حیوانک ملوث اولدینی تخیل ایدیلور . صرف حرمت دینه سائقه سیله تماسدن اجتناب ایدیلن بعض مخلوقات یاواش یاواش ملوث کورونمکه باشلادی و موجود عبادات برنجیده اولدینی کبی ایکنجی طرز تلقی یهده تطابق ایتدیلر .

دیمک اولویورکه حیض فانه عائد بوممنوعیتلرک حقیقی سببی نهدن عبارت بولوندیغی بيلمک ایسترسه ک بوممنوعیتلری اولدقلری کبی والآن یا شادقلرینی آ کلاشیلیر برحاله قویق ایچون یوقدن ایجاد اولنان ایضاحلردن تجرید ایدم رک مشاهده ایتلی یز . بوممنوعیتلر بوسورتله نظر دفته آتیرسه کورولورکه قان ، هر هانکی بر نفرت القا ایتک شویله دورسون ، پک ظاهری بر صورتده ممتاز و حقیقه الهی مخلوقله عائد دیگر حادثلردن قطعاً غیر قابل تفريق کورولویور . بلوغه ایرن کنج قیزی طوپراغه وکونشک شعاعلرینه تماسدن منع ایدن بوقاعده عیناً قراللمه ، محترم راهبرده تعلق ایدیور . ژاپونیاده میقادو آیاقلریله طوپراغه دوقوناماز ؛ عکس تقدیرده تنزل صنفه اوغرار . عینی صورتله کونشک شعاطاتی کنديسنه قدر کله میه جکی کبی ، هوا باشنده تماس ایتمه ملیدر . قولومیاده (بوغوتا) ولی عهدی اون آلتی باشنده قدر کونشک هیچ کیرمه دیکی قارا کلک براوطهده

قلمغہ مجبوردر . پرمده اینقایہ نامزد اولان پرنس برآی کونش یوزی کورمہدن اوروج طومتغہ مجبور ایدی . کونشی کورمک ممنوعیتی (تاهیتی) قرالیچہسنہ واولاری ، ایران قرالئده تطبیق اولونیوردی . عینی صورتلہ بوتون پولیتزیا آطہلرنده رئیس لر واصیلر ، طبق حیض زمانندہ بولسان قادیئر کبی آری یرده بیمکہ ، خصوصی بر آتش اوزرنده پیشیرلش یمکملہ تغدی بہ الخ . مجبوردر لر . حالبوکہ بوحراملرک سببی طبیعی برلونک الہام ایندیکی نفرت واستکرام حس اولاماز ؛ بناء علیہ قادینہ طائد حراملرہده بویلہ برمنشا اسنادی دوغری اولاماز .

اساساً آی باشی قانی اکثریا مفید معالجه مقامندہ برچوق خستہ لقلرہ قارشی قوللا . نیلیوردی . شتراق Strack بو عادتک غایت عمومی والآن موجود اولدیغنی اثبات ایتشدرد . بو عادتہ عربستانده جرما یاده ، ایتالیا ده تصادف ایدیلکده وقرون وسطی ده پک معتبر بولونمقده ایدی . وضع حمل زمانندہ آقان قانده استعمال ایدیلیوردی . بلوغ زمانی ظهور ایدن ایلک قان غایت شدید حراملرہ سببت ویردیکی کبی غایت مستثنا نداوی خاصہ لرینی حائر عد ایدیلیوردی . دیمک اولوبورکہ بوقوملر ، فرقہ وارمہدن ، بوقانلرہ ملوث ورجلیتہ منافی برمنبع سیلانندن باشقہ برشی کورویورلردی .

الوهیتک بونوع ممنوعیتلر مجموعہ سنی تولید ایتمہ سندنہ کی اسبابہ کلنجہ (کہ بونلری حرمتدن زیادہ استکراہہ عطف ایتمکہ میال بولونیورز) بونلر ایکی نوعدر . برطاقی بوتون بشریتده مشترکدر ، بعضیلری یالکز ابتدائی قوملرہ موجوددر . اول امرده ، مستثنا بر حرمت الہام ایدن ہرشی ، تمامی قنا اولان اشیا ومخلوقات کبی اہالی یی کندندن اوزاقلاشدیرر . چونکہ حرمتده قورقودہ وارددر ؛ حرمت ایدیلن موجوددہ بالذات ، الہام ایندیکی حرمتلری محافظہ ایدہ یلمک ایچونہ ، کندی صفتیلہ متطابق قالہ رق اوزاقده دورملیدر . دیگر موجوداتہ قاریشیرسہ کندی ماہیتنی دیکرلرینہ نقل ایدہ جکی کبی اودہ دیکرلرینک صفت وماہیتہ اشتراک ایدر . بوسورتلہ ، نفرت وحرمت حسلری آراسندہ شعورہ نسبتلہ نہ قدر فرق اولورسہ اولسون ایکسیسہده عینی خارجی صفتلرہ تمیز اولنورلر . خارجدن باقیلنجہ بربرندن کوچملکلہ تفریق ایدیلہ ییلیرلر . فقط ابتدائی قوملرہ الوہیت مفہومک حائر اولدینی مہمیتندن دولای بونلرک تفریقی دہا کوچدر . (اشمیت) ک کوستردیکی کبی ، الہلر قورقونج وکور قوتلردر ؛ اونلر اخلاق ہیچ

بر تهمده مربوط دکلدرلر . احواله ویا شخصی هوسلرینه کوره بعضاً خیرخواه ویا بدخواه اولورلر . کورولورکه آلهله آنجق بویوک تدبیرلرله یا قلاشه بیلورلر ؛ اونلرله بلا تهلکه مناسبه کیرمک ایچون درلو درلو واسطهله مراجعت لازمدر . نفرت اولنان مخلوق کبی آلهلردن اجتناب قاعده عمومیه در . حرام tabou ده ، بو اجتنابک متشکل وبرمؤسه حالته اعلا ایدلمش شکلندن باشقه برشی دکلدر .

- ۶ -

اغزوغامی (خارجدن تزوج قانونی) نك منشأری بوندن عبارتدر .
(مابعدی وار)

مترجمی : ن . ص .

